



HE TONO MŌHIOHIO (TM)

He Mātauranga Kaiako Tīmatanga ā-Taimahi mō
ngā Kaiako Kura Tuarua
[21268229]

Rā Tuku: 17 Hōngongoi 2019

Rā Kati: 23 Hereturikōkā 2019

1. He Mōhiohio Whānui

- 1.1 E rapu mōhiohio ana te Tāhuhu o te Mātauranga (arā, ko te Tāhuhu) mō te whanaketanga me te whakarato/whakahaere i ētahi kaupapa ā-taimahi mō te Mātauranga Kaiako Tīmatanga. He mōhiohio anake tēnei, ā, e kore e whakamahia kia kōwhiri i ngā kaiwhakarato. Hei whakaemi mōhiohio māketē tēnei kia whakamōhio i ngā mahi whakamahere pakihi.
- 1.2 Kia mōhio te tangata, he mea muna, he mea uhi e te manatārua hoki ngā mōhiohio i roto i te TM nei, heoi anō, ka whakaaetia te tārua i te nui e tika ana kia whakarite urupare ki tēnei RFI. Ka pērātia anō ngā mōhiohio i roto i tāu urupare (ka whakawhirinaki ki ngā herenga o te Tāhuhu i raro i te Ture Mōhiohio Ōkawa (Official Information Act) 1982).
- 1.3 Tēnā tukuna āu pātai katoa ki tō mātou Tangata Whakapā. Me kua koutou e rapu mōhiohio i ētahi atu o ā mātou kaimahi.

Ingoa	Eve Stewart
Īmēra	eb.ite@education.govt.nz

- 1.4 Tēnā tukuna ā-īmēratia te roanga o tāu urupare ki te Tangata Whakapā. Whakamahia 'EBITE -RFI Response' ki te rārangi marau.
- 1.5 Tēnā tukuna tō urupare ki ngā pātai i mua i te 6.00 i te ahiahi i te 23 o Ākuhata 2019.

2. Te pūtake me ngā herenga

Te pūtake

- 2.1 Kua riro i te Tāhuhu o te Mātauranga he pūtea i te Mahere Pūtea o 2019 hei whakawhanake i te hōtaka hou kotahi, neke atu rānei mō te Mātauranga Kaiako Tīmatanga ā-taimahi nei (arā, ko te employment-based Initial Teacher Education).
- 2.2 Ko tā te pūtea nei he whakaahei te tokomaha ake o te tangata ki te whai tohu whakaako i a rātou e mahi ana hei kaiako, me te ārahitanga, tautoko hoki e tika ana. Ka whakawhānuitia tonutia te ara ITE ā-taimahi mō ngā tāngata kia whakangungua hei kaiako.
- 2.3 Ka utu tēnei pūtea hou i ētahi o ngā nama whakawhanake, whakarato hoki, ā, ka āwhina atu i te utu ka kawea e te kura, e te wharekura hoki o te whakamahi kaiako pia, me te nama kia whakarato i tētahi pou/hoa kaiako mō ia pia.
- 2.4 Ka whakawātea te pūtea i ngā tūranga 240, iti iho rānei i ngā tau e 4 e haere mai ana. Ka tuku pūtea mō ngā hōtaka hou ka tīmata ā te tau 2021.

Ngā herenga me ngā whāinga

- 2.5 He mea nui tonu te whai puna kaiako kua āta whakangungua, kua whakangungua ki Aotearoa, hei whakanui ake i te hunga kaiako haere ake nei. Kua hoahoaina te kaupapa ā-taimahi ITE ki te whakatenatena i ngā tāngata tokomaha ake kia whakaarohia he umanga kaiako.
- 2.6 E rapu mōhiohio ana mātou i ngā hunga kua whai pānga, kua whai wheako rānei ki ngā kaupapa ā-taimahi ITE, ki te whakatau i te whai hua whānui o tētahi kaupapa ā-taimahi ITE hou kotahi, neke atu rānei, ā, kia piki ai te mārama mehemea ka taea rānei te whakawhanake, te whakaae hoki i te kaupapa kotahi, neke atu rānei kia rite ai ngā whakauru mō te hunga tuatahi i te tau ako 2021.
- 2.7 Me hoahoa he kaupapa hou kia whakatutuki i ā Matatū Aotearoa tikanga whakaae, tikanga aroturuki, tikanga arotake kaupapa ITE, kua whai mana i te 1 o Hōngongoi 2019, ā, ka whakaaetia e Matatū

Aotearoa i te taha o Mana Tohu Mātauranga o Aotearoa, o CUAP (arā, ko te Committee on University Academic Programmes) rānei i mua i te tīmatanga.

- 2.8 Me whakaea hoki e ngā tauira kaiako e mahi ana ki te kura, ki te Wharekura rānei ngā tikanga o Matatū Aotearoa mō te Limited Authority to Teach, e whakatauria ai kei te tauira kaiako tonu ngā pūkenga mātanga, ngā pūkenga kāore e kaha kitea ana.
- 2.9 Ko ngā momo rōpū whai pānga ka wātea mai ki te tuku mōhiohio mai, (engari ehara i ēnei rōpū anake) ko ngā kaiwhakarato torohū, ngā tumuaki, ngā rōpū mana whakahaere mātauranga, ngā ngaio, ngā māngai huinga kaupapa hapori, te marea, huinga kaupapa kē atu anō, whānau rānei.
- 2.10 Ka whakamahia ngā mōhiohio ka riro mai i tēnei TM, me nga rangahau mākete, ki te whakamōhio i a mātau ki ngā hātepe me whai ā muri ake nei.

He taipitopito anō

- 2.11 Ka whakahaere te Tāhuhu i ētahi wānanga mahi tahi ki ētahi wāhi e toru (ka horahia ngā rā, me ngā wā ki raro nei):

RĀ	WĀ	ROHE	WĀHI
29 Hūrae 2019	15:00 – 17:00	Te Whanganui-a-Tara	Ministry of Education, 33 Bowen House, Room 1.01, Te Whanganui-a-Tara
31 Hūrae 2019	11:00 – 13:00	Tāmaki Makaurau	Mount Richmond Hotel, 676 Mount Wellington Highway, Mt Wellington
02 Ākuhata 2019	11:00 – 13:00	Ōtautahi	Commodore Airport Hotel, 449 Memorial Avenue, Christchurch

- 2.12 Ki te pīrangī koe te tae atu ki tētahi o ngā wānanga nei, tēnā pāwhiria te hono ki te whakamōhio i tōu hiahia: <https://mailchi.mp/education/ebtt> īmēra rānei ki a mātou ki eb.ite@education.govt.nz, ā, whakamahia 'EBITE – RFI Registration' ki te rārangi marau.

3. Te mōhiohio kua tonoa

- 3.1 Whakaaroarohia te pūtake me te rāpopotoranga o ā mātou matea, tēnā whakautua ngā pātai e whai ake nei:
 - a. Ka pēhea koe e tautuhi i te ITE ā-taimahi?
 - b. He aha ngā āhuatanga o tētahi kura e tika ana kia whai wāhi ai ki tētahi kaupapa ā-taimahi ITE?
 - c. Ki ō whakaaro, he aha ngā āhuatanga waiwai mō ngā kaiuru Māori e uru ana ki te kaupapa?
 - d. He aha ngā wāhanga me whakarite kia whakaū ai ka tautoko te kaupapa i te whakawhanake i te whakaako me te ako arohaehae, huritao hoki mō ngā kaiuru?
 - e. Ka pēhea tō aronga ki tētahi tauira hoahoa tahi ki te taha o ētahi iwi i tō rohe?
 - f. I te mea he mema te kaiako o te tīma, ā, ka āta whakahaungia te kaha whai wāhi ki te hapori, ki tāu me pēhea te whai wāhi ki te hapori ina whakawhakanakehia he kaupapa?
 - g. Whakamāramahia mai ō whakaaro mō ngā tūranga waiwai i roto i tēnei kaupapa?
 - h. Ki tō whakaaro, me pēhea te nui e tino tika ana o tētahi kaupapa pēnei i te wāhanga tuatahi?
 - i. Ki tō whakaaro, ka pēhea te roa o te wā ki te hoahoa, ki te whai whakaae hoki i tētahi kaupapa ā-taimahi ITE?

- j. Ka pēhea koe e whakaū ai ka whakaratarata ā-ahurea tō kaupapa, ka whakamōhiotia e te tikanga whakaako whakaratarata ā-ahurea hoki tō kaupapa, ā, ka whakawhanakehia he tangata whiwhi tohu ka whakaratarata ā-ahurea.
- k. Ki tōu whakaaro ka kimi tangata mō te kaupapa i hea?
- l. Ki tōu whakaaro, mā wai te hātepe kimi tangata e ārahi, ā, me pēhea hoki tana mahi?

3.2 Ka taea te whakapiri ngā urupare hei kōnae word, pdf rānei.

4. Ngā Aratohu TM

- 4.1 I te rerenga māori o ngā āhuetanga, ka whakakaha te TM i te Tāhuhu ki te whakawhanake i te whakamāramatanga pakihi, ā, ka puta pea he hātepe whakawhiwhi ōkawa, ka pānuihia pea ki te Government Electronic Tenders Service (GETS – www.gets.govt.nz). Ka whakatau pea kia kua tēnei e kōkirihiā.
- 4.2 Ehara tēnei i te hātepe whakawhiwhi, nā, e kore e aromātaihia ngā mōhiohio kua whakaratoa. Kaua rā e whakatau ka whakaatu, ka waihanga rānei te take, te urupare rānei ki tēnei TM te takoha taumaha o te Tāhuhu ki te uru utanga ā-ture. Kāore kau he utanga nā te Tāhuhu ki te hoko taputapu, ratonga hoki/rānei, kia eke ki tētahi taumata rānei te nui, te maha rānei o ngā taputapu, ratonga rānei.
- 4.3 Hāunga ki te rohe ka herea e te ture, ka āhei te Tāhuhu te kaiponu i te kōrero i te tangata ahakoa ko wai, ā, e kore e herea ki te tangata ahakoa ko wai mō te mōhiohio.
- 4.4 Ahakoa ka ngana te Tāhuhu ki te whakaū i te matatapu, tē taea e te Tāhuhu te whakaū atu ki te tangata ka noho muna tonu ngā mōhiohio katoa ka puakina ki te Tāhuhu, nā te mea ka herea e te ture pea kia whakaatu atu.
- 4.5 Ehara te whai wāhi atu ki tēnei TM i te Whakaaetanga, i te Kirimana rānei i waenga i te Tāhuhu me te kaiurupare, ahakoa ko wai.